

RELACION
PËR PROJEKT-URDHRIN
“PËR NGRITJEN E TASK - FORCËS NDËRINSTITUCIONALE PËR
MENAXHIMIN E SEZONIT TURISTIK VEROR 2024”

I. QËLLIMI I PROJEKT-URDHRIT DHE OBJEKTIVAT QË SYNOHEN TË ARRIHEN

Qëllimi i këtij projekt-urdhri, që vjen si propozim i Ministrit të Turizmit dhe Mjedisit, është ngritja e Task - Forcës Ndërinstitucionale të sezonit turistik veror 2024, e cila asiston Komitetin për Menaxhimin e Sezonit Turistik (KMST) dhe është përgjegjëse për ndjekjen dhe zbatimin në afat të masave përgatitore të përcaktuara në planin e masave, miratimi i planit të masave për sezonin turistik veror 2024.

Në vijim të problematikave të hasura gjatë sezonit turistik veror 2023, lind e nevojshme që edhe për vitin 2024 të ndiqet e njëjta procedurë për menaxhimin e sezonit turistik.

II. VLERËSIMI I PROJEKT-URDHRIT NË RAPORT ME PROGRAMIN POLITIK TË KËSHILLIT TË MINISTRAVE, ME PROGRAMIN ANALITIK TË AKTEVE DHE DOKUMENTE TË TJERA POLITIKE

Miratimi i këtij projekt-urdhri nuk është parashikuar në programin analitik të akteve të Ministrisë së Turizmit dhe Mjedisit, por është në përputhje me Programin Politik të Këshillit të Ministrave dhe Strategjinë Kombëtare për Zhvillimin e Qëndrueshëm të Turizmit 2019 – 2023.

III. ARGUMENTIMI I PROJEKT-URDHRIT LIDHUR ME PËRPARËSITË, PROBLEMATIKAT, EFEKTET E PRITSHME

Nëpërmjet ngritjes së Task-forcës synohet:

- Koordinimi në nivel specialistësh për shkëmbimin e shpejtë të informacionit nëpërmjet institucioneve të përfshira duke krijuar regjistra të mirëfilltë

turistikë me informacion të gjerë për sa i përket subjekteve si: kapaciteti akomodues, numri i shtretërve, numri i punonjësve, numri i çadrave nëse disponojnë stacion plazhi, pagat, përgjegjësia tatimore, qarkullimi, çmimet për dhomë, kategorizimi i strukturës, adresa e saktë, etj.

- Pajisja e stacioneve të plazhit me lejet përkatëse dhe lidhja e kontratave respektive me bashkinë përpara fillimit të sezonit turistik.
- Inspektime të përbashkëta në mënyrë që mos të ketë prezencë të shtuar në subjekte në lidhje me problematika të ndryshme.
- Koordinimi ndërinstitucional për mbarëvajtje dhe menaxhim sa më të mirë të sezonit turistik veror 2024.

IV. VLERËSIMI I LIGJSHMËRISË, KUSHTETUESHMËRISË DHE HARMONIZIMI ME LEGJISLACIONIN NË FUQI VENDAS E NDËRKOMBËTAR

Projekt-urdhri është hartuar në përputhje me nenin 100 të Kushtetutës dhe të pikës 2, të nenit 64, të ligjit nr. 93/2015 “Për Turizmin”, i ndryshuar.

V. VLERËSIMI I SHKALLËS SË PËRAFRIMIT ME *ACQUIS COMMUNAUTAIRE*

Ky projekt-urdhër nuk ka për qëllim përafrimin e legjislacionit me *Acquis Communautaire*.

VI. PËRMbledhje shpjeguese e përmbytjes së projekt-urdhrit:

Projekt-urdhri për ngritjen e Task-Forcës ndërinstitucionale të sezonit turistik veror parashikon si më poshtë:

Ngritja e Task-Forcës ka për synim asistimin që do t’i bëhet Komitetit për Menaxhimin e Sezonit Turistik (KMST) dhe njëkohësisht do të jetë përgjegjës për ndjekjen dhe zbatimin në afat të masave përgatitore të përcaktuara në planin e masave për sezonin turistik veror. Task-Forca do të asistohet nga Ministria e Turizmit dhe Mjedisit dhe në përbërje do të ketë përfaqësi nga institucionet qëndrore si Ministria e Infrastrukturës dhe Energjisë, Ministria e Bujqësisë dhe Zhvillimit Rural, Ministria e Brendshme, Ministria e Mbrojtjes, Ministria për Evropën dhe Punët e Jashtme, Ministria e Shëndetësisë dhe Mbrojtjes Sociale,

Ministria e Ekonomisë, Kulturës dhe Inovacionit, Ministria e Financave, Njësitë e Vetëqeverisjes Vendore, Prefekturat, agjenci dhe drejtori të përgjithshme në varësi të institucioneve të sipërpërmendura.

Task-Forca për sezonin turistik veror 2024 do të ketë disa detyra kryesore:

- Të udhëzojë përgatitjen dhe të miratojë tërësinë e veprimtarive që do të kryejë çdo institucion/agjenci zbatuese, në zbatim të planit të masave për sezonin turistik;
- Të bashkërendojë veprimtaritë ndërmjet institucioneve zbatuese. Të analizojë në vijimësi zbatimin e masave për çdo institucion;
- Të propozojë, nëse është e nevojshme, nxjerrjen e akteve nënligjore, që i shërbejnë zbatimit të masave përgatitore, sipas planit të masave;

Të ngarkojë me detyra drejtuesit dhe strukturat zbatuese të drejtpërdrejta, të veprimtarive të planifikuara në planin e masave për sezonin turistik. Në lidhje me organizmin e mbledhjeve, Task-Forca do të mblidhet të paktën, 2 (dy) herë në muaj dhe çdo përfaqësues do të raportojë mbi ecurinë e veprimtarive për institucionin/agjencinë zbatuese që përfaqëson. Ndërsa Ministri i Turizmit dhe Mjedisit do t'i raportojë Kryeministrit për rezultatet e arritura dhe për çështje të rëndësishme që kërkojnë zgjidhje të menjëhershme.

VII. INSTITUCIONET DHE ORGANET QË NGARKOHEN PËR ZBATIMIN E URDHRI

Ngarkohet Ministria e Turizmit dhe Mjedisit, Ministria e Brendshme, Ministria e Shëndetësisë dhe Mbrojtjes Sociale, Ministria e Financave, Ministria e Infrastrukturës dhe Energjisë, Ministria e Ekonomisë, Kulturës dhe Inovacionit, Drejtorja e Përgjithshme e Policisë së Shtetit, Autoriteti Rrugor Shqiptar, Inspektoriat Shtetëror Shëndetësor, Drejtorja e Përgjithshme e Tatimeve, Autoriteti Kombëtar i Ushqimit, Inspektoriat Kombëtar i Mbrojtjes së Territorit, Agjencia Kombëtare e Mbrojtjes Civile, Agjencia Kombëtare e Bregdetit, Agjencia Kombëtare e Mjedisit, Agjencia Kombëtare e Zonave të Mbrojtura, Agjencia për Mbështetjen e Vetëqeverisjes Vendore, Drejtorja e Përgjithshme e Shërbimeve të Transportit Rrugor, Task-Forca e Transportit Rrugor, Agjencia Kombëtare e Planifikimit të Territorit, Qendra Kombëtare e Urgjencës Mjekësore, Agjencia Kombëtare e Turizmit, për zbatimin e këtij urdhri.

VIII. MINISTRITË, INSTITUCIONET DHE SUBJEKTET E TJERA QË KANË KONTRIBUAR NË HARTIMIN E PROJEKT-URDHRIT

Për hartimin e këtij projekt-urdhri kanë kontribuar Drejtoria e Programimit dhe Harmonizimit të Kuadrit Rregullator dhe Drejtoria e Projekteve Zhvillimore të Turizmit.

Plani i masave është dërguar për mendim pranë: Ministrisë së Brendshme, Ministrisë së Financave, Ministrisë së Infrastrukturës dhe Energjisë, Ministrisë së Shëndetësisë dhe Mbrojtjes Sociale, Ministrisë së Ekonomisë, Kulturës dhe Inovacionit, Autoritetit Rrugor Shqiptar, Policisë së Shtetit, Inspektoriatit Shtetëror Shëndetësor, Drejtorisë së Përgjithshme të Tatimeve, Autoritetit Kombëtar të Ushqimit, Inspektoriatit Kombëtar të Mbrojtjes së Territorit, Agjencisë Kombëtare të Mbrojtjes Civile, Agjencisë Kombëtare të Bregdetit, Agjencisë Kombëtare të Turizmit dhe Agjencisë Kombëtare të Zonave të Mbrojtura, Taskë-Forcës së Transportit Rrugor, Drejtorisë së Përgjithshme të Shërbimeve të Transportit Rrugor, Taskë-Forcës së Transportit Rrugor.

Institucionet që kanë dhënë dakordësinë, duke konfirmuar draftin e planit të masave janë:

- Ministria e Kulturës;
- Agjencia Kombëtare e Mbrojtjes Civile;
- Prefekti i Qarkut Korçë;
- Inspektoriatit Shtetëror i Punës dhe Shërbimeve Shoqërore;
- Ministria e Shëndetësisë dhe Mbrojtjes Sociale;
- Inspektoriatit Shtetëror Shëndetësor;
- Drejtoria e Përgjithshme e Shërbimeve të Transportit Rrugor.

Autoriteti Rrugor Shqiptar ka konfirmuar planin e masave duke propozuar, si më poshtë vijon:

- Në bashkëpunim me Ministrinë e Brendshme të hartohet një plan masash për oraret e kufizuara të lëvizjes së mjeteve në rrugët kombëtare gjatë sezonit turistik veror.

Agjencia Kombëtare e Turizmit, bazuar tek prioritet e institucionit në përgjithësi dhe specifikisht në prioritetet e sezonit veror, konfirmon planin e masave, duke propozuar si më poshtë:

Ishte: *Të organizojë dhe mbështesë veprimtarinë argëtuese në bashkëpunim me Njësitë e Vetëqeverisjes Vendore, shoqatat, Institucione Qendrore dhe Lokale, publike dhe private, etj;*

Të hartojë dhe publikojë kalendarin e festave lokale. Për vitin 2023 çdo aktivitet, argëtues i lejuar në përputhje me rekomandimet e urdhërat e MSHMS;

Të mbështesë dhe të ndjekë organizimin e festave lokale, bazuar në kalendarin vjetor të festave lokale 2023.

Bëhet: *Të planifikojë, orientojë, koordinojë Kalendarin Kombëtar të ngjarjeve kulturore të traditës sportive dhe natyrore që ofrojnë zbavitje dhe kënaqesi për turistët në të gjithë territorin e Republikës së Shqipërisë, në bashkëpunim me Njësitë e Vetëqeverisjes Vendore, Ministrinë e Ekonomisë, Kulturës dhe Inovacionit dhe Institucionet e saj, institucione të tjera qendrore dhe lokale, publike e private, shoqata dhe organizata, etj. Të promovojë Kalendarin Kombëtar të Eventeve dhe aplikacionin TEA.*

Drejtoria e Përgjithshme e Tatimeve propozon që në Planin e Masave për Sezonin Turistik Veror 2024 të përfshihen masat e mëposhtme:

- Shtim i kontrolleve të zinxhirit furnizues të turizmit;
- Bashkëpunimi me Ministrinë e Turizmit dhe Mjedisit për zbatimin me korrektësi të nenit 49 të Ligjit nr. 92/2014, “Për Tatimin mbi Vlerën e Shtuar në Republikën e Shqipërisë”;
- Verifikimi i subjekteve tregtare që operojnë nëpërmjet platformave online për shtimin e deklarimeve dhe minimizimin e subjekteve të paregjistruara.

Agjencia Kombëtare e Mjedisit, lidhur me inspektimet dhe kontrollet propozon si më poshtë:

- Ngritja e grupeve të punës për monitorimin, verifikimin dhe evidentimin në nivel qendror, në Agjencinë Kombëtare të Mjedisit dhe në nivel rajonal, në Agjencitë Rajonale të Mjedisit, për zbatimin e kërkesave ligjore e nënligjore, mbi parandalimin e shkarkimeve të ujërave të

patrajtuara në mjedisin ujor, detar, liqenor; veprimtari të ndaluara në brigje e plazhe dhe shfrytëzimi i inerteve lumore me leje të përdorimit ujor;

- Evidentimi i të gjithë subjekteve që gjenerojnë ujëra të ndotura në vijën bregdetare e liqenore dhe inspektimin e tyre, lidhur me zbatimin e kërkesave ligjore e nënligjore, për trajtimin e ujrave të ndotura në impiantet përkatëse, largimin e tyre në kolektorët e Ujësjiellës Kanalizimeve apo me subjekte të licensuara dhe kontraktuara nga ana e tyre, sipas legjislacionit në fuqi;

Ministria e Mbrojtjes ka konfirmuar planin e masave, duke rekomanduar si më poshtë:

- Monitorimi dhe trajtimi i mbetjeve nga zonat turistike drejt vendeve të depozitimit të paracaktuara në ishullin e Sazanit, të realizohet në bashkëpunim me Agjencinë Kombëtare të Bregdetit.

Agjencia Kombëtare e Bregdetit ka dërguar detyrat kryesore për zbatim nga AKB dhe Agjencitë Rajonale të Bregdetit Lezhë, Durrës, Vlorë, Sarandë, janë të fokusuara si më poshtë vijon:

- Përgatitja e kontratave për përdorimin e hapësirës së plazhit, për subjektet aplikues për sezonin turistik veror 2024, pas miratimit të tyre nga Grupi Teknik i Shqyrtimit të Aplikimeve, me palë përfituese Njësitë e Vetëqeverisjes Vendore.
- Ndjekja e procesit të pastrimit të zonës bregdetare nga operatori ekonomik i kontraktuar për realizimin e këtij shërbimi, për periudhën 15 Qershor - 15 Shtator 2024, për Bashkitë Durrës, Kavajë, Himarë, Sarandë, Rrogozhinë, Vlorë, si dhe dy bashkitë e reja që i shtohen procesit Lezhë dhe Shkodër, në zbatim të Vendimit të Këshillit të Ministrave nr. 706, datë 06.12.2023, *“Për një shtesë në Vendimin e Këshillit të Ministrave nr. 569, datë 17.07.2019, “Për krijimin dhe mënyrën e organizimit dhe të funksionimit të Agjencisë Kombëtare të Bregdetit”*, i ndryshuar.
- Takime me njësitë vendore, prefekturat dhe institucionet kompetente për zbatimin e Vendimit të Këshillit të Ministrave nr. 171, datë 27.03.2019 *Për miratimin e rregullores “Për kushtet dhe kriteret e ushtrimit të*

veprimtarisë-së stacionit të plazhit”, i ndryshuar, si dhe diskutimin e planit të masave për mbarëvajtjen e sezonit turistik veror 2024.

- Verifikimi i masave të sigurisë së pushuesve (rojet e plazhit, sipas kriterëve të përcaktuara, vendosja e sinjalistikës, bovat).
- Bashkëpunimi me Ministrinë e Turizmit dhe Mjedisit dhe Njësitë e pushtetit Vendor, për përcaktimin e korridoreve të hyrje-daljeve dhe përgatitja e hartës përkatëse për plazhet.

IX. RAPORTI I VLERËSIMIT TË TË ARDHURAVE DHE SHPENZIMEVE BUXHETORE

Zbatimi i projekt-urdhrit nuk ka efekte financiare shtesë për buxhetin e shtetit.

MINISTRI I TURIZMIT DHE MJEDISIT

MIRELA KUMBARO FURXHI

